



საქართველოს მეცნიერებათა ეროვნული აკადემია

ქართული ენციკლოპედიის ი. აბაშიძის სახელობის მთავარი სამეცნიერო რედაქცია

ლისაშვილი იაკინთე ბარნაბას ძე



ი. ლისაშვილი

ლისაშვილი (ნამდვ. გვარი ხოშერიკი) იაკინთე ბარნაბას ძე [6(19). IX. 1897, ახლანდ. სოფ. შრომა, ოზურგეთის მუნიციპალიტეტი, - 6. III. 1972, თბილისი], მწერალი. მუშაობდა ბათუმსა და თბილისში ასოთამწყობად. იყო გამომც. „საბჭოთა მწერლის“ დირექტორი, ჟურნ. „ნიანგის“ რედაქტორი და სხვ. პირველი ნაწარმოები - პიესა „უნაყოფო ნუგეში“ 1919 გამოაქვეყნა ჟურნალში „თეატრი და ცხოვრება“, ლექსებისა და მინიატიურების პირველი კრებ. „მანქანების ჭრალები“ - 1923. მნიშვნელოვანია მისი რომანები: „ვარდნილი“ (1933), „ძახილი მთაში“ (1937), „კეცხოველი“ (1941), „სიცოცხლისათვის“ (1946), „ერთგულება“ (1951); „მოთხრობები ომზე და შრომაზე“ (1942). რომანი „კეცხოველი“ თარგმნილია აზერბ., პოლ., რუს., უნგრულ ენებზე. მიღებული აქვს სახელმწ. ჯილდოები.

დაკრძალულია მწერალთა და საბ. მოღვაწეთა დიდუბის პანთეონში.

თხზ.: თხზულებანი, ტ. 1-4, თბ., 1971-77; გურული ესკიზები, თბ., 2005.

ლიტ.: რომანი სიყვარულსა და ერთგულებაზე „მნათობი“, 1960, №10.

დ. თევზაძე
